

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Epistola I. Ioannis Papae XIII. Ad Episcopos Citerioris Britanniae. Vt
archiepiscopo Turonensi debitam reuerentiam exhibeant.

urn:nbn:de:hbz:466:1-15625

Vvitichindus, statim filio tradidit, celebratisque magnifice nuptiis omnem Italiam super hoc & Germaniam lætiores reddidit. Eamdem a Ioanne papa coronatam imperatricem fuisse testatur Sigebertus.

Per catenam sancti Petri arreptitii collo circumdatam dæmonem expulit. In Magdeburgensi ciuitate recens ab Ottone condita primum episcopū Adelbertum constituit. Cumque sedem apostolicam annos sex, menses vndecim & dies vigintiquinque tenuisset, viii. Idus Septembbris obiit. Sepultus est in basilica sancti Petri, vt videre est in epitaphio quod extat apud Baronium anno 972. num. i.

Ioannes
papa da-
monem
eiicit.

EPISTOLA I.

IOANNIS PAPÆ XIII.

AD EPISCOPOS CITERIORIS BRITANNIÆ.

Vt archiepiscopo Turonensi debitam reuerentiam exhibeant.

*Ioannes episcopus seruus seruorum Dei, episcopus Romanæ urbis,
in Christo fratribus uniuersis episcopis citerioris Britanniæ
salutem in Christo & visitationem.*

QVIA vice beati Petri apostolorum principis, Domino Deo dignante, omnium ecclesiarum curam suscepimus, solitudinem, qua vniuersusque fides integra in eodem Domino reseruetur, sine qua nullus ei placere valebit, vbiue seuere obseruare debemus. Ideoque notum sit vobis, quoniam carissimus frater noster Arduinus, sanctæ Turonensis ecclesiæ archiepiscopus, veniens ad apostolorum limina Romam oratum, interpellauit nos, quod iura sui archiepiscopatus, quæ ab antiquis temporibus per decreta sanctorum pontificum sanctæ Romanæ matris ecclesiæ suis prædecessoribus concessa & confirmata fuerunt, a vestro archiepiscopo, & suis decessoribus, per violentiam, & paganorum Northmannorum contrarietatem sublata videntur. Vnde apostolica auctoritate vobis sciatis esse interdictum, ne illius vllomodo iuri resistatis deinceps de omnibus quæ prædictus archiepiscopus confirmat archiepiscopatus suo pertinere debere, quo usque ille vester archiepiscopus, aut aliquis ex vobis, cum Arduino archiepiscopo,

Concil. Tom. 25.

R. ij

sive cum suo suffraganeo, vel alio fideli misso, ad nostram sanctam ecclesiam matrem veniat: ut ibi percognitis causis inter vos & illum, quod æquum comprobabimus diffiniatur ad laudem Dei & Domini nostri Iesu Christi. Quod si aliter quam quod iubemus contra voluntatem eius feceritis, cognoscatis vosmetipſos Dei & beati Petri principis apostolorum, per nostræ humilitatis mandatum, auctoritate excommunicatos ab omni ecclesiastico officio. Quod si vero debitam reuerentiam circa prædictum fratreſ nostrum obſeruare vobis placuerit, ſecundum iustitiae decretum a sancta Romana ecclesia statutum, permaneatis cum Dei benedictione in unitate nostræ catholicæ communionis. Inter haec ſciant vestri regni homines, maxime nobiliores, nominatim Berengarius, & filius ſuus Conanus & Hoel cum fratre ſuo Guerech, cum ceteris maioribus, ut ſi contra iustitiam inobedientes fuerint huic nostræ iuſſioni, & contrarii ſeu rebelles extiterint prædicto fratri noſtro Turonensi epifcopo, ſint & ipſi excommunicati, & noſtra benedictione apostolica priuati.

NOTA IACOBI SIRMONDI
SOCIETATIS IESV.

[Epiftola I. Ioannis XIII.] Meminit huius epiftolæ Innocentius III. libro II. ad Bartholomæum Turonensem. Quotus numero Ioannes hic fuerit vetus exemplar non exprimit. Nos ex Arduini Turonensis archiepifcopi ætate Ioannem XIII. coniecumus. Quod si exploratum non eſt, veriſimilius certe, quam ut ex aliorum ſententia Ioanni X. tribuatur, cui conuenire non poteſt.

EPISTOLA II.
IOANNIS PAPÆ XIII.

AD EDGARVM REGEM ANGLORVM.

De epifcopatu Vvintoniensi expellendis clericis,
& introducendis monachis.

Ioannes epifcopus ſeruus ſeruorum Dei Edgardo regi excellentiſſimo, atque omnibus epifcopis, ducibus, comitibus, abbatibus, & cuncto fideli populo Anglicæ gentis, Christianam ſalutem & apostolicam benedictionem.

QVONIAM ſemper ſunt concedenda quæ rationalibus queruntur desideriis, oportet ut veſtræ piæ petitio-